

欽定四庫全書

子部

傷寒兼證析義



南京中医药大学图书馆版权所有

欽定四庫全書

子部五

傷寒兼證析義

醫家類

提要

臣等謹案傷寒兼證析義一卷

國朝張倬撰倬字飛疇吳江人著醫通之張璐
即其父也專論傷寒而挾雜病者分中風虛
勞中滿腫脹噎膈反胃內傷宿食咳嗽咽乾
閉塞頭風心腹痛亡血多汗積聚動氣疝氣

淋濁瀉痢胎產凡十七種設為問答以發明
之按傷寒論所謂合病併病止言六經無症
而不及雜病醫家不明兼證之意往往於脉
證參差之際或顧彼而失此或治此而妨彼
為害頗深此書一一剖析使治病者不拘于
一隅不惑於多岐亦可謂有功於傷寒矣乾
隆四十六年四月恭校上

總纂官臣紀昀臣陸錫熊臣孫士毅

總校官臣陸費墀

--	--	--	--	--	--	--	--

欽定四庫全書

傷寒文讀析義

傷寒文讀析義

傷寒文讀析義

長洲張倬撰

力起誦雪嶠熟煮春風

苦雪篇者中有凍餒

爐頭相與平章風雅

為最難傷寒而挾雜病

欽定四庫全書

傷寒文讀析義

一

金匱要略卷之四
者尤難是以亘古絕無兼該之例後世不能兼善其術也余曰安有滔滔江漢不通潮汐者乎苟能純一其道則圓機在我活法隨人何慮兼證之不克哉客舉手稱善請析中風兼傷寒義始

問中經絡兼傷寒

曰傷寒邪從外入中風風從內召雖同具汗下和解之法而虛實之機微有不同傷寒悉從外邪起見故必分營衛經絡一毫不可混淆中風外內合邪故攻

表必兼養正如小續命中小續參附之類即兼傷寒者亦當顧慮正氣為主若率意攻表則營熱轉甚在裏之津液勢必隨表藥外泄而為燥癢枯竭之證矣

問中血脈

曰中血脈即傷寒之半表裏證傷寒邪未深入但須和解中風陰血先虧故必養血兼除風熱所謂血行風自滅是也在兼傷寒者和解藥中稍加調血之味以滋血燥不得任用滋陰涼血藥

問中府兼傷寒

曰中府多見閉證與傷寒之裏實脹閉不殊傷寒邪熱入府灼燥陰津故用承氣以泄其熱不得雜一味表藥恐引熱勢上蒸也中風是裏熱生風木邪乘土故攻裏必兼祛風熱如三化湯中用羌活之義閉證而見痰鳴喘脹面赤口張為正氣暴絕此必不治

問中藏兼傷寒

曰中藏多見脫證與直中陰經之自利無異古法用

三生飲治脾肺之中地黃飲子治腎肝之中侯氏黑
散治心與包絡之中然用以治藏虛受邪之證誠為
聖藥若卒中昏迷于撒遺尿真陰失守之脫證雖有
合劑不能復起況兼傷於寒者乎

問類中兼傷寒

曰類中大綱有三曰氣衰曰火暴曰痰逆總皆陽虛
邪害空竅所致河間之地黃飲子為下虛上盛陰火
暴逆而設東垣之三生飲為脾肺氣衰痰積於中而

設丹溪之星香二陳為形盛氣阻痰盛於外而設在兼傷寒者三法俱不可效惟和營衛中隨證加養氣導火豁痰藥斯為兼得之法

問中風本有六經形證與兼感客邪何異

曰中風六經形證是指口眼喎斜肢體麻瞽等證而言與傷寒六經見證不同然亦間有惡寒發熱之候但中風雖有惡寒必常時凜凜或經日不止不似外感之驟然惡寒發熱如燔也中風雖有火炎痰濕頭

痛必時甚時減或晝甚或夜甚不似外感之頓然發
熱大痛晝夜不分也中風雖有肢體煩疼必麻痺不
仁或久臥床褥所致不似外感之忽然吐熱無汗骨
節煩疼也中風雖有表虛自汗必時常澌澌不似外
感之驀然發熱頭痛自汗也中風雖有往來寒熱必
常常若此不似外感之發熱頭痛三四日而轉入少
陽也中風雖有大便枯約必平昔至圍艱難不似外
感之大熱數日熱邪入裏而燥結不通也中風雖有

金匱要略卷之四
小水短瀝必向來不利或見頻數不似外感之熱結
膀胱煩渴引飲小腹脹閉也以此審辨則中風之本
證兼證可了然心目矣

問有少年體肥之人平素左半身無汗脇下一片常冷
數日前索逋下鄉是日天氣暴寒舟中食飯一箸隨食
隨冷便覺凜凜畏寒登崖失足顛仆扶挾解帶而寢是
夜即發熱頭痛喘鳴胸滿遍體煩疼腰脊左脇尤甚左
半身不能轉動仍冷不熱手足亦微冷第三日扶病而

歸其脈左手弦細右手遲滑絕不似外感之候因見脈弦
脇痛與小柴胡二服不應又似半肢風發與小續命亦不
應檢方書中半身無汗例當二陳四物合用按法治之
亦無效今舌上微有薄胎而左畔白滑右畔微黃得病
後大便已去二次去亦無多小便畧見黃濇究竟此屬
何證當與何藥

曰此人素有寒飲結聚脇下更兼內外感寒加以驚
仆痰逆則發熱喘鳴頭痛胸滿身疼勢所必至其右

半經脈貫通處受邪則從陽而化為熱左半寒飲積
結之界平時尚且無汗縱有寒邪湊泊亦必從陰而
釀寒陽氣不到之所自然重著難移陽氣不行於脈
自然弦細搏指至於右脈遲滑手足微寒皆緣脾氣
向衰熱勢不盛所以舌胎不能乾燥大便不能結鞭
其小便黃濇一證雖因肺胃氣化不行亦見下焦真
陽未艾斯人向後必天目今尚可挽回當與五積散
晝夜三進總藉辛溫解散之力可以內消寒滯中溫

血脈外逐表邪一舉而有二得其外可用白芥子川
烏薑滓炙熱包熨之俟表邪分解裏氣調和然後用
六君子加辛附薑桂之屬徐溫中氣可也

虛勞兼傷寒論

問虛勞之人兼感風寒者何以辨之

曰必先明受病之三綱見證之五常然後參詳脈證
以辨客邪三綱者房勞傷思鬱傷醫藥傷五常者骨
蒸欬嗽吐血泄瀉男子失精女子不月此皆本病之

常他證雖繁莫如此五者為甚如平時骨蒸勞熱時
重時輕火炎則面熱頰赤兩角隱隱掣痛忽然壯熱
頭疼不分晝夜是感客邪也平時欬嗽聲怯痰涎不
應忽然鼻塞聲重涕唾稠粘是感客邪也平時關尺
脈弦忽然人迎浮盛是感客邪也醫不達此每認本
病變重日與調補助邪深入傷殘之餘立刻告竭究
竟不知其為風寒而反歸咎於飲食居處不亦冤乎
問房勞傷者先見何證兼客邪者當用何藥